

Et idem de Innerlothea :

*Quæ vetus hospitium fuit Ennerlothea regum ,
Iam ruit , & cineres hac tumulantur humo.
Tempus edax rerum munitas subruit arces ,
Perdere Pictorum quas nequiere manus.
Si quod adhuc marmor superest, incidite Musæ
Dislichon hoc, celo non metuente mori.
Nemo dehinc pacem Bellona præferat, urbi
Quam premis, hæc genitrix, illa noverca fuit.]*

*Moravia
Comites.*

Sub Rege Roberto Brus, Thomas Randolphus, ejus è sorore nepos, qui pro patria summos labores gravissimasque contentiones suscepit, *Moravia* Comitatus titulo fuit celeberrimus. Sub Roberto Secundo Ioannes de Dunbar, qui Regis filiam in pretium violatæ pudicitia cum hoc *Moravia* Comitatu accepit. Sub Iacobo Secundo Guilielmus *Creichton* regni Cancellarius & Archebaldus *Douglas* acerrime de hoc Comitatu sunt digladiati, cum in *Moravia* Comitatu contra leges & instituta majorum *Douglasius*, qui filiam Iacobi de Dunbar Comitis *Moravia*

rie minorem duxerat, prælatus erat *Creichtono* cui natu major fuerat collocata, potentia & autoritate Guilielmi Comitis *Douglasii* apud Regem, quæ tanta fuit, ut non modo hunc & *Moravia*, verumetiam alterum fratrem *Ormondia*, cognatosque duos *Angusie* & *Mortonia* Comitibus auxerit. Sed hæc potentia, quæ non fida, quia nimia, mox fuit ipsi exitio. Sub Iacobo Quinto frater ejus, quem Regni vicarium constituit, hoc honore usus est, & nostra memoria Iacobus, Regis Iacobi Quinti filius notus, hunc honorem à Maria Regina sorore accepit, cui ille malam gratiam rependit, cum ipsam, paucis procerum adscitis, pessimo in Reges exemplo, regno abdicaverit; quod tamen ipse paulo post globulo trajectus fuit. Ejus filia unica Iacobo *Stewart* de *Down* marito, cui genus è regio sanguine, scilicet ab *Albania* Ducibus, hunc titulum attulit, qui ab æmulis occisus filium Iacobum reliquit in hoc honore successorem.

